

մենայն տեղիս, ՎՊԿ (1614)։ Նորոգեաց նաեւ զվանս Ս․ Հրեշտակապետի, կրեալ բաղում չարչարանս եւ նեղութիւնս, որպէս ունիմք պատմել 'ի ստորեւ ։

Յետ նորոգութեանցս այսոցիկ, և անցանելոյ միոյ տարւոյ․ առաքեաց կուսակալն Դամասկոսի զմին 'ի պաշտօնէից իւրոց, որոյ անունն էր Էյիւս Ազա, գրեալ գիր առ դատաւորն երուսաղէմի, յորում ասէր․ եհտս յակահջս իմ, թէ Աստուածատուր ո՞նն անուն 'ի քրիստոնէից շինեալ իցէ զեկեղեցի արտաքոյ քաղաքին երուսաղէմի, մերձ 'ի շիրիմն Մարգարէին Դաւթի․ և սպասաւորք նորին նեղեալ են յոյժ անտի․ զտեղին զայն առեալ 'ի քննութիւն ստուգութեամբ ծանուցես մեզ։ Յետ ընթեռնելոյ դատաւորին զգիրն, կոչեաց զԱստուածատուր վարդապետ 'ի ժողովն, և եհարց ցնա առաջի պաշտօնէին․ թէ շինեալ իցէ զեկեղեցի եւ բարձրացուցեալ զպարիսպս նորա քան զշինուածս մարգարէին Դաւթի։ Ետ պատասխանի Աստուածատուր, որ թարգման էր յայնժամ Ս․ Աթուոյն, թէ չեմք արարեալ զայնպիսի իրս։ Այլ միայն Գրիգոր որդի Մարգարի Պատրիարքն Հայոց, հրաման առ նորոգել զվանս Ս․ Փրկչի․ կոչեցին անդ և զԳրիգոր՝ և նա առաջի ամենեցուն արար պատասխանի, վանք Ս․ Փրկչի 'ի վաղ ժամանակաց անտի է 'ի ձեռս Հայոց, խախտեալ և աւերեալ էր նա, ետ ինձ հրաման նախկին դատաւորն երուսաղէմի Ալիմ էֆէնտի շինել եւ նորոգել զայն ըստ առաջին ձեւոյն, որպէս հրամայեալն էր հրովարտակն Աբբունի և վճիռ մեծի դենպետին։ Եւ իբրեւ աւարտեցաւ շինուածն, եւ դատաւորն անձամբ 'ի քննութիւն․ և գտեալ զամենայն ըստ հրամանի իւրոյ, ետ ինձ մուրհակ անդորրութեան կնքով իւրով։ Ընթերցան զայն՝ և զհրովարտակն Աբբայի՝ և զվճիռ դենպետին։ Եկին անդ և ոմանք յայլազգեաց Սլոնի և երուսաղէմի՝ և պատմեցին առաջի նոցա՝ թէ երկաթի դուռն վանաց՝ յառաջագոյն էր 'ի կողմն հարաւոյ, և քարուկիր պատասպարանն շուրջանակի՝ քակեալ էր 'ի 20 ամաց հետէ․ և Գրիգոր հրամանաւ դատաւորին շինեալ նորոգեաց եւ եդ դուռն երկաթի՝ այլովքն հանգերձ։ Յետ այսր ամենայնի՝ խնդրեաց էյուս աղա ինքնին երթալ 'ի քննութիւն վանաց, առեալ զոմանս 'ի դա-